

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 04.08.2017թ. թիվ 1706546185 որոշումը բեկանելու, իսկ 04.08.2017թ. թիվ 1706545652 որոշումն անփոփոխ թողնելու մասին

<<ՔՀ>> 11/2017թ. 17-4-3322 0

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով հաշատուր Աթայանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավիթ Մալյան փողոցի 4-րդ շենքի 18-րդ բնակարանի բնակիչ հաշատուր Աթայանը դիմումով խնդրել է բեկանել կանգառ կատարելու կանոնները խախտելու համար Ճանապարհային ոստիկանության կողմից կայացված վարչական տույժ նշանակելու մասին մասին 04.08.2017թ. թիվ 1706546185 և 04.08.2017թ. թիվ 1706545652 որոշումներից մեկը՝ նշելով, որ նույն իրավախախտման համար կայացվել է երկու տարբեր որոշումներ:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

Ճանապարհային ոստիկանության 04.08.2017թ. թիվ 1706546185 և 04.08.2017թ. թիվ 1706545652 որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը կանգնած է Երևան քաղաքի Խորհրդարանի փողոցում, ինչը արձանագրվել է 20.07.2017թ-ին, ժամը՝ 13:52-ին և 20.07.2017թ-ին, ժամը՝ 15:02-ին, որտեղ տրանսպորտային միջոցը կայանված է նույն դիրքով և չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<Բ>> կետի համաձայն՝ անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Նկատի ունենալով, որ նշված վայրում կանգառ կատարելու համար դիմումատուն Ճանապարհային ոստիկանության 04.08.2017թ. թիվ 1706545652 որոշմամբ արդեն իսկ ենթարկվել է վարչական պատասխանատվության, հաշվի առնելով իրավախախտումը կրկին կատարելու փաստի վերաբերյալ ապացույցների բացակայությունը և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 04.08.2017թ. թիվ 1706546185 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 04.08.2017թ. թիվ 1706545652 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել հաշատուր Աթայանին և ՃՈՒ ՏՄՀԻՆԱՄ կենտրոն:



Ե.Կարապետյան